

ՀԱՄԱԶԳԱՅԻՆ ՄԵԾ ՅՕԲԵԼՍՆԻ ՏՕ-
ՆԱԿԱՐԳԸ

I

Է ջ մ ի ա ծ ն ս լ մ



1) Ուրբաթ, հոկտ. 11-ին, եր. ժ. 5-ին Նորին Վեհափառութիւնը պատգամաւորների և ամբողջ միաբանութեան ուղեկցութեամբ՝ հանդիսաւոր թափօրով իջնում է Մայր Տաճար՝ ներկայ լինելու ս. Թարգմանչաց յիշատակին կատարելիք նախատօնակին:

2) Շաբաթ, ս. Թարգմանչաց տօնին, հոկտ. 12-ին, առ. ժ. 8-ին հանդիսաւոր երթ Նորին Վեհափառութեան Տ. Տ. Գէորգ Ե. կաթողիկոսի Օշական՝ ուղեկցութեամբ ամբողջ միաբանութեան և պատգամաւորներին:

Պատարագ (ժ. 10-ին) ս. Մեսրոպի գերեզմանի վրայ:

Հոգեհանգիստ գրի և տպագրութեան վաստակաւորներին յիշատակին. պատգամաւորներին բանախօսութիւններ:

Ճաշ (ժ. 2-ին). ուղերձների ընթերցում:

3) Կիրակի, հոկտ. 13-ին, ժ. 9-ին, Մայր Տաճարի Իջման սեղանի վրայ հանդիսաւոր պատարագ և ապա հայրապետական մաղթանք:

Պատարագից յետոյ՝ ժ. 12-ին ճեմարանում ցերեկոյթ երգեցողութեամբ և երաժշտութեամբ:

Ճաշ՝ ժ. 3-ին, հեռագիրների ընթերցում:

Շաբաթ և կիրակի երեկոները ժ. 7-ին և երկուշաբթի առ. ժ. 10-ին ճեմարանում պիտական բիֆերատներ և խորհրդակցութիւն ուղղագրութեան խնդիրների շուրջը:

Մտօր.— Շաբաթ և կիրակի երեկոները երաժշտութիւն և հրաւառութիւն վանքի և ճեմարանի բակում:

II

Հայոց բոլոր բեմերում

1) Շաբաթ, հոկտ. 12-ին, ս. Թարգմանչաց տօնի օրը, եկեղեցական դասի, դպրոցական ամբողջ կազմի և ազգային հաստատութիւնների ներկայացուցիչների և աշակերտութեան ներկայութեամբ՝ հանդիսաւոր պատարագ և բացատրութիւն երկու մեծ տօնների պատմական նշանակութեան:

Հոգեհանգիստ գրի և տպագրութեան արւեստի վաստակաւորներին յիշատակին:

2) Կիրակի, հոկտ. 13-ին, հանդիսաւոր պատարագ և ապա հայրապետական մաղթանք նոյն կազմով:

Նոյն օրը, տեղական պայմաններին

նայելով, կազմակերպել գրական և երաժշտական ցերեկոյթ կամ երեկոյթ՝ եկեղեցական, կրթական և այլ ազգային հաստատութիւնների պաշտօնատար անձանց ներկայութեամբ: Հանդէսը բանալ «Հայր մեր»-ով և ս. թարգմանչաց կամ էջմիածնի շարականով:

Ծանօթ.—Շատ եկեղեցիներ ունեցող կենտրոններում եկեղեցական հանդէսները՝ կարող են կատարվել մէկ կամ մի քանի եկեղեցիներում տեղական հոգևոր վարչութեան կարգադրութեամբ:

* * *

Այս ծրագիրը կազմված է յատուկ էջմիածնին ենթակայ հաստատութիւնների համար: Միւս բոլոր հաստատութիւններից խնդրում է պատուել այս համազգային մեծ տօնը պատշաճաւոր հանդէսնհրով և յաւերժացնել բարենպատակ ձեռնարկութիւններով: Ն